

Solafíra Riaayot Hókfaa
KaádhCúna Boro/Finsónóla
Opal Kaádh

Hákikot Habos:

Solafíra Riaayot Hókfaa Kaádh arde Cúna Opal kaádh faná tuoya ókkol ólla

Sair bosóijja arde yíar uoror laayek faná tuoya ókkol é, Riaayot Hókfaa Kaádh arde Cúna Opal kaádh ólla, ehón onláin dorhás gorí faribóu.

Hon nwá laayek?

- Dorhás goróya ókkol óttu NSW't hámaká mustakbal tákoya wáa foribóu; ar
 - NSW'r Transpóut torfóttu maniluwa giyéde faná tuoya hédmot ejénsi ókkol* ór búrtortu uggwá modot gosifar; ar
 - bréijin víza uggwálla dorhás gorér uggwá faná tuoya hísafe; yá
 - ehón bréijin víza dóri táikke uggwá faná tuoya uggwá hísafe; yá
 - tobkar fáisela uggwá afil gorér uggwá faná tuoya hísafe.

* Maniluwa giyéde faná tuoya hédmot ejénsi ókkol ór líis uggwá transportnsw.info/asylum-seekers ót tuai faiba

Cúna Opal kaádh ekkán lói sofór goróon ót ki fáaida ókkol asé?

- Bára meçá diyagiyé, \$2.50 din e.
- Esmáth thikéth ekkán asán, tuńí rakó ar barbar estemal goró.

Solafíra Riaayot Hókfaa Kaádh ór fáaida ókkol ki?

- Solafíra Riaayot Hókfaa Kaádh é tuáñre Cúna Opal kaádh estemal goribélla hók de Opal nétwák ór bútoe.
- Yíán é aró tuáñre riaayot thikéth ókkol kini bellá hók de, éçe bútoe \$2.50 Dec ór Finsónóla Eskarcen thikéth, \$2.50 Fottídin ór Elakayi Eskarcen thikéth elakayi zaga ókkol ór bútoe elakar baás ókkol ólla yáto adá-bára riaayot thikéth ókkol cámil asé.
- Tuáñrtu Solafíra Riaayot Hókfaa Kaádh fúańti raká foribóu zehón Opal kaádh lói sofór goró noóile tuáñre fáin marit fare.

Kengóri dorhás goríba

- transportnsw.info/asylum-seekers ót líis goijjá aséde faná tuoya hédmot ejénsi ókkol ('Háas Ejénsi ókkol') ór búrtortu uggwár éçe zoo ar Solafíra Riaayot Hókfaa Kaádh arde Cúna Opal kaádh ekkán dorhás gorí bélla modot mago.

Nuth: tuńí seróf Háas Ejénsi iín ór búrtortu uggwá loi dorhás gorí faribá.

- Solafíra Riaayot Hókfaa Kaádh arde Cúna Opal kaádh ókkol óre seróf uggwá NSW thíkanat defeçái faribá dé.

Dorhás goribélla kessú hóssa ó ne?

- Solafíra Riaayot Hókfaa Kaádh arde Cúna Opal kaádh ólla honó hóssa náí, mogor sofór goribélla tuáñrtu kimot zoma gorá foribóu.

Kengóri thóp áp goré

- Tuáñr Cúna Opal kaádh ór uore kimot dibellá ziyarot goró:
 - Opal thóp áp micín ókkol Opal nétwák beggúla basá zaga ókkol ót asé
 - Opal báñra besoya ókkol (tuáñr sóbse hañsé faibellá) retailers.opal.com.au ot ziyarot goró.
 - opal.com.au
 - **13 67 25 (13 OPAL)**
- Yíán é 60 miníth foijjonto loi fare fún yá thóp áp asór óibella.

Kengóri sofór goríba

- Tuáñr Opal kaádh óre bazó arde lofélo Opal kaádh foróya ekkán ór uore rakí yóre thríp ór cúruttu arde ahérit tú.
- Opal kaádh foróya ókkol óre rell or estecén ókkol, baás ókkol ót, feri wharve ókkol arde fatola rell tíadé zagat faaza,
- Tuáñrtu hámaká fottí thaim ot bazá foribóu loféla foribóu, ar tuáñr Solafíra Riaayot Hókfaa Kaádh fúañti raká foribóu, noóile tuáñre fáin marit fare.

Faná tuoya Cúna Opal kaádh muddot zagói

- Laayek faná tuoya ókkol ólla Cúna Opal kaádh ókkol 12 mác muddot asé neelai diyéde tarík óttu lóti.
- Solafíra Riaayot Hókfaa Kaádh ó 12 mác ólla muddot asé.
- Zodi aijó laayek ó faná tuoya ókkol é tarár Solafíra Riaayot Hókfaa Kaádh ókkol arde ar Cúna Opal kaádh óre abbar noya gorí faribóu aró 12 mác ólla. Yíán gorí bélla taráttu uggwá faná tuoya modot ejénsi uggwát zaa foribóu (agor sófa soó).

Zodi tuáñr Opal kaádh háñzi zagói yá sur e loizagói

- Zodi tuñí tuáñr Cúna Opal kaádh rejisthar goró tuñí tuáñr baki-thiañ ré héfazot goríba zodi kaádh háñzi zagói yá sur e loizagói.
- Zodi tuáñr rejisthar goijjá kaádh háñzi zagói yá sur e loizagói **13 67 25 (13 OPAL)** ot dhako. Tuáñr baki-thiañ héfazot goijjá tuáñr koól ór thaim ottú lóti ar noya kaádh ekkán ót fargarái loi faribá.
- Bodola Cúna Opal kaádh ekkán faibellá (fís lagit fare) tuáñrtu **13 67 25 (13 OPAL)** ot dhaka foribóu.

Zodi tuáñr Solafíra Riaayot Hókfaa Kaádh háñzi zailói yá sur e nizailói

- Zodi tuáñr Solafíra Riaayot Hókfaa Kaádh háñzi zagói yá sur e loizagói transportnsw.info/asylum-seekers ót zoo yá bodola ekkán faibellá **131 500** ot dhako (fís uggwá lagit fare).

Tuáñr Cúna Opal kaádh óre kiállá rejisthar goittá?

- Añára tuáñre yiad gorái di faijjoum tokoriban tuáñr kaádh hoófitte muddot zaibói.
- Tuáñr kaádh ór baki-thiañ ré héfazot gorázaibou zodi yíán háñzi zagói yá sure loizagói.
- Tuñí zehonó aestemal goijjá baki-thiañ waapes aní faribá zehón tuáñr kaádh muddot zagói.
- Tuáñr kaádh rejisthar goribélla, **13 67 25 (13 OPAL)** ót fún goró yá opal.com.au ót ziyarot goró.

Aró bicí maalumát ókkol saáir?

- Laayek faná tuoya ókkol ólla Solafíra Riaayot Hókfaa Kaádh ór uore aró bicí maalumát ókkol ólla transportnsw.info/asylum-seekers ót ziyarot goró yá fún **131 500** ót.
- Laayek faná tuoya ókkol ólla Cúna Opal Kaádh ór baabote aró maalumát ókkol ólla opal.com.au 't ziyarot goró yá **13 67 25 (13 OPAL)** ot fún goró.